

BOSNA I HERCEGOVINA
Federacija Bosne i Hercegovine
TUZLANSKI KANTON
JP "Međunarodni aerodrom Tuzla" d.o.o.

Broj: 05-45-988-15/24
G.Dubrave, 28. 10.2024.godine

Na osnovu člana 64. stav (1) tačka b), člana 69. stav (1) tačka a) i člana 70. Zakona o javnim nabavkama BiH ("Službeni glasnik Bosne i Hercegovine" broj: 39/14, 59/22 i 50/24), te prijedloga Komisije za provedbu postupka javne nabavke materijala za održavanje čistoće, u ime uprave Javnog preduzeća, direktor JP „Međunarodni aerodrom Tuzla“ d.o.o., d o n o s i:

O D L U K U

o izboru najpovoljnijeg ponuđača

I

Ponuda ponuđača **R&S d.o.o. Sarajevo**, za ponuđenu cijenu od **302,42 KM** bez PDV-a nakon održane e-aukcije, proglašava se najpovoljnijom, te se imenovanom ponuđaču dodjeljuje Okvirni sporazum za javnu nabavku materijala za održavanje čistoće.

II

Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno zahtjevima -uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

III

Ugovorni organ će uz ovu odluku obavijestiti sve učesnike postupka nabavke o rezultatima analize pristiglih ponuda u ovom postupku nabavke u skladu sa članom 71. Zakona o javnim nabavkama BiH.

IV

Ova Odluka stupa na snagu danom donošenja i objavit će se na web-stranici ugovornog organa: www.tuzla-airport.ba, u skladu sa članom 70. stav (6) Zakona o javnim nabavkama.

O b r a z l o ž e n j e

Temeljem Odluke o pokretanju postupka broj: 05/2.4-988/24 od 02.09.2024. godine, pokrenut je otvoreni postupak za javnu nabavku materijala za održavanje čistoće, ukupne procijenjene vrijednosti 70.000,00 KM.

Rok za dostavljanje ponuda bio je 23.09.2024. godine do 09:00 sati. Javno otvaranje ponuda izvršeno je u 09:30 sati istog dana, što je konstatovano Zapisnikom sa otvaranja ponuda broj: 05-45-988-11/24. Zapisnik sa otvaranja ponuda dostavljen je ponuđačima u skladu sa zakonskim i podzakonskim aktima.

Nakon izvršenog otvaranja ponuda, Komisija je dana 14.10.2024. godine pristupila analizi dokumentacije priložene uz ponude u smislu provjere njihove validnosti obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda, a u skladu sa procedurama i pravilima utvrđenim tenderskom dokumentacijom i Zakonom o javnim nabavkama BiH, odnosno pripadajućim podzakonskim aktima. Kriterij za dodjelu ugovora je „NAJNIŽA CIJENA“.

Prema Zapisniku sa otvaranja ponuda broj: 05-45-988-11/24 od 23.09.2024. godine, Komisija konstatuje da su se za predmetnu nabavku prijavilo pet (5) ponuđača i to:

1. Ponuda protokolisana pod brojem: 05/2.4-988-4/24 ponuđača R&S d.o.o. Sarajevo, zaprimljena 19.09.2024. godine u 10:45 h
2. Ponuda protokolisana pod brojem: 05/2.4-988-5/24 ponuđača LALA I LAĆO d.o.o. Bijeljina zaprimljena 20.09.2024. godine u 08:45 h
3. Ponuda protokolisana pod brojem 05/2.4-988-6/24 ponuđača AERO EXCLUSIVE d.o.o. Sarajevo, zaprimljena 20.09.2024. godine u 08:46 h
4. Ponuda protokolisana pod brojem 05/2.4-988-7/24 ponuđača ALFADIVIT d.o.o. Živinice, zaprimljena 20.09.2024. godine u 09:14 h.
5. Ponuda protokolisana pod brojem 05/2.4-988-8/24 ponuđača DMF OFFICE d.o.o. Tuzla, zaprimljena 23.09.2024. godine u 08:31 h.

Uvidom u dostavljene ponude ponuđača utvrđeno je da su iste blagovremene. Takođe utvrđeno je da ponude ponuđača R&S d.o.o. Sarajevo, LALA i LAĆO d.o.o. Bijeljina, AERO EXCLUSIVE d.o.o. Sarajevo i ALFADIVIT d.o.o. Živinice sadrže svu dokumentaciju koju je ugovorni organ zahtijevao tenderskom dokumentacijom. Predmetne ponude su ocjenjene kao prihvatljive, te da mogu biti predmetom vrednovanja primjenom kriterija „najniža cijena“.

Kada je u pitanju ponuda ponuđača DMF OFFICE d.o.o. Tuzla utvrđeno je da ista ne sadrži dokumentaciju koja se odnosi na sposobnost za obavljanje profesionalne djelatnosti i ekonomsku i finansijsku sposobnost ponuđača. Obzirom da predmetna ponuda nije u skladu sa tenderskom dokumentacijom, kao takva ocjenjena je kao nepravilna.

Detaljna analiza dostavljenih ponuda sadržana je u Zapisniku o pregledu i ocjeni ponuda za nabavku materijala za održavanje čistoće broj: 05/-45-988-12/24 od 28.10.2024.godine, koji je sastavni dio ove Odluke i koji se u kopiji dostavlja svim ponuđačima.

Naime, Komisija je na osnovu dostavljenih ponuda, a nakon pregleda i ocjene istih, primjenom utvrđeno kriterija izvršila rangiranje prihvatljivih ponuda i utvrdila sljedeće:

Redni broj	Naziv sjedište ponuđača	Cijena bez PDV-a	Popust	Ukupna cijena sa PDV-om
1	R&S d.o.o. Sarajevo	302,42 KM	/	353,83 KM
2	LALA i LAĆO d.o.o. Bijeljina	732,94 KM	/	857,54 KM
3	AERO EXCLUSIVE d.o.o. Sarajevo	699,66 KM	/	818,60 KM
4	ALFADIVIT d.o.o. Živinice	670,24 KM	/	784,18 KM

Obzirom da je tenderskom dokumentacijom bilo predviđeno održavanje e-aukcije, Komisija je zakazala e-aukciju za dan 17.10.2024. godine u 10:00 sati.

Po završetku e-aukcije, na portalu e-nabavke je kreiran Izvještaj o toku i završetku e-aukcije u kojem je sadržana konačna rang lista ponuđača koji su učestvovali u e-aukciji, prema kriteriju najniža cijena kako slijedi:

Rang	Naziv ponuđača	Konačna cijena u KM bez PDV-a
1	R&S d.o.o. Sarajevo	302,42 KM
2	LALA i LAĆO d.o.o. Bijeljina	669,00 KM
3	ALFADIVIT d.o.o. Živinice	670,24 KM
4	AERO-EXCLUSIVE d.o.o. Sarajevo	699,66 KM

Temeljem navedenih činjenica Komisija za provođenje predmetnog postupka javne nabavke jednoglasno je konstatovala da postoje uslovi za izbor najpovoljnijeg ponuđača, te je predložila Upravi ugovornog organa da donese Odluku o izboru najpovoljnijeg ponuđača i Okvirni sporazum o nabavci dodijeli ponuđaču R&S d.o.o. Sarajevo, a čija ponuda je u predmetnom postupku javne nabavke ocjenjena kao najniža na osnovu kriterija za dodjelu ugovora, sve u skladu sa odredbom člana 69. stav (1) tačka a), kao i članom 70. Zakona o javnim nabavkama BiH.

Na osnovu prijedloga Komisije za provođenje postupka javne nabavke materijala za održavanje čistoće, donesena je odluka kao u dispozitivu.

PRAVNA POUKA: Žalba se može izjaviti u roku od 10 (deset) dana od dana prijema ove Odluke. Žalba se izjavljuje ugovornom organu u pisanoj formi direktno putem protokola ili preporučeno poštanskom pošiljkom.

Dostavljeno:

5 x Ponuđačima

1 x Evidenciji

1 x a/a



DIREKTOR
Dževad Halilčević

A handwritten signature in blue ink, appearing to read "Halilčević", written over the printed name of the Director.